

Шогун эл, порылык да гим берг!

Будь готов/

ЯМДЕ ЛИЙ

1933 ий 1 февраль годсек лектеш.

0+



Фотопроект

Марий кундемын
100
Марий Эл
Эргыже ден удрыжы

Фотом еш архив гыч налме.

Лудса:

Паранга школ пеленысе Тошгер да ончер рүдер йулам да шарнымашым арала. Шуктен шогымо пашаже нерген лудаш темлена.

3

Марий кугыжаныш университет пеленысе «Воскресение» кычалше отрядын «Вернуться из плена» проектше Президент грантым сенен налын. Проект нерген отрядын командирже Д.Я.Шипунов каласкала.

4

Совет Ушем Герой А.М.Яналов лумеш 1-ше номеран Шернур школышто Боевой чап лукым починыт.

5

Шинчымашдам тергаш «Талешке-влак» кроссворд, задаче полшат. Лаштыкым шергалза.

6

ПОДПИСКЕ

«Ямде лий» газетлан возалташ вараш кодын огыдал. Связь (почто) отделенийште кажне тылзын 15 числа марте подпискым ыштен кертыда.

Индекс - П4696.

Подписчик-влак коклаште лотерейым эртарена. Эн кугу пöлек - **электроконга.**

Рекламе.



СНИМКЫШТЕ Оршанке школын 11-ше классшым тунем пытарыше Даниил ЯТМАНОВЫМ ужыда. Тудо «Спутник» команде дене пырля «Мини-футбол в школу» россияысе проектыште Марий Элын чапшым кум гана арален. «Школа безопасности», «Первая помощь», «Президентские состязания», «Российский азимут», «Кожаный мяч», «Кросс нации», «Уличный красавя» тагасымашлаште вийжым терген, районысо да республикысе моло соревнованийлаште сенгышыш лектын. ОБЖ да физкультур предметла дене районысо олимпиадыште икмыяр гана ончылно лийын. Спорт туризм дене 2-шо разрядше уло.



Эн сай йочасад



Фотом йочасадын архивше гыч налме.

«Образцовый йочасад-2019-2020» всероссийский смотр-конкурс иктешленыт. Тушко 48791 тонеж ушнен. Йочасад-влакым кок номинацийыште акленят: чолга участник да сеньше. Конкурсышто тўжем йочасад ойырте-малтын. Марий Эл гыч У Торъял районысо «Солнышко» (вуйлатыше – Г.Н.Лошакова), Параньга район Матародо ялысе «Сказка» (вуйлатыше – Л.В.Назарова), Йошкар-Оласе 19-ше номеран «Василёк» (вуйлатыше – Е.А.Лазарева), Шернур районысо Йочам виандыше рўдер «Колокольчик» (снимкыште) (вуйлатыше – Н.Н.Четкарёва) йочасад-шамыч сеньше-влак радамыш лектыныт.

Х.АЛЕКСАНДРОВА ямдылен.

Шонымашда шукталтше

11-ше классым тунем пытарыше-влакын кызыт – тургым жап: ЕГЭ-м кучат. Морко район Коркатово лицей дене тений 71 икшы-ве чеверласен. Нунын кокла гыч 10 ўдыр-рвезе «За особые успехи в учении» медаль дене палемдалтын. Нунын аттестатыштышт чыла предмет дене – «визытан» отметке. Тунемше-влак тўрлў конкурсышто, регионысо олимпиадылаште сеньше-влак радамыште лийыныт. Ме нунын дене кугешнена. «Шонымашда шукталтше!» – манына.

В.СМИРНОВ.

Марий Элыште идалык тўналтыш гыч 19 ег вўдыш пурентаен. Нунын кокла гыч – 3 йоча.

«Ушан лудмаш»

«Культура для школьников» проект кышкарыште Россий Федерацийын тўвыра министерствыже «Яндекс» дене пырля «Галерея литературных героев» туныктым программмы почыт. Тиде «ушан лудмаш» дене кок тылзаш курс. Тўрлў ийготан йоча-влаклан арня еда онлайн-занятий-влак эртаралташ тўналыт. Артист-влак школ программмыш пурышо производенийла гыч ужашлам лудыт. Тиде акций полшымо дене ўдыр-рвезе-влак производений-влакым модыш йўн дене умылен лудаш, шарнен кодаш да лончылаш тунемыт. Кумылан ўдыр-рвезе-влак reg.smartkids.ru сайтыште регистрацийым эртен кертыт. Курс мучаште сертификатым кучыктат.

Вўдыштў тўткў лийза!



3-9 августышто Оршанке районысо Кўрдў сонарзе кудышто «Кежеж сылнымутчо» семинар эртаралтеш. Тушто сылнымутым шымлыше ег да уста серызе-влак дене вашлийын мутланаш йўн ышталтеш. Самырык возкалыше-влакын пашаштлан серызе-шамыч акым пуаш тўналыт.

Национальный тўссымыктыш галерейыште (Йошкар-Ола) «Красный. Живопись, народное и декоративно-прикладное искусство из собрания Русского музея» ончер уэш почылтын. Выставке 1 сентябрь марте пашам ышта.

Ўдыр-рвезе-влакым «Кинолето» акцийыш ушнаш ўжыт. Кажне арнян кинон ончыктат. Ийготым шотыш налын, 24 фильмым ойыренят. Нуным лончылаш йоча да ача-ава-влаклан методике сынан пособийым ямдыленыт. Материалым roskultproekt.ru сайтыште муаш лиеш. Акции кинорецензий конкурс дене мучашлалтеш.

Тоштер да ончер рүдерым 1991 ийыште Параньга районын 60 ияш лүмгечыже вашеш почыныт. Тудым чумыраш 1988 ийыште тўналыныт. Музейын икымше вуйлатышыже А.М.Самигуллина экспозиций-влакым кўчык жапыште поген. Кугу тўткышым Кугу Ачамланде сар темылан ойырен. Моткоч шуко кресаньык паша ўзгарым, арверым чумырен. Тоштерыште ятыр кружок пашам ыштен, ончерым эртареныт. Оралте тошто улмылан көра 1999 ийыште тоштерым петыраш логалын. 2006 ийыште Параньга школышто Тоштер да ончер рүдерым почаш 50 кв.метр кумдыкым ойыреныт. Тыге 2008 ийыште тоштер угыч пашажым тўналын.

2020 ий – Шарнымаш да чап идалык.



Школ пеленысе Тоштер да ончер рүдерым З.Х.ТУХВА-ТУЛЛИНА вуйлата. Тудо самырык-влакым патриот шўлышеш кушташ, фронтышто кредалше-влакын да тылыште тыршыше-влакын подвигыштым шарнаш, калык йўлам, историйым арален кодаш шонымаш дене пашам ышта. Тоштерын ик могырышкыжо ончалын, сар пагытыш пўртылат, а вес велне кресаньык илыш раш сўретлалтеш. Тушто 1530 утла экспонат аралалтеш.

Йўлам да историйым аралат



Фотом школын архивше гыч налме.

– «Вечная память героям» стенд Совет Ушем Герой-влак А.Гайсинлан, Х.Хасановлан да Параньга район гыч Кугу Ачамланде сарыште лийше салтак-влаклан пўлеклалтын. Фронтвик-влакын фотошт, серышышт, ўзгарышт, орден ден медалышт эн шерге улыт, – ойла Зифа Хабибулхановна. – Пўлемын вес ужашыже – «Калыкын илыш-йўлаже – тўвыра памятник».

Тушко Параньга районышто илыше марий, татар кресаньык-влакын паша ўзгарыштым, чиемыштым да моло тўрлў арверыштым чумырымо. Шуэн вашлиялтше намазлыкым (кумалаш шарыме шартыш), калфакым

(татар ўдырамаш вуйчием), чеканым (ир янлык деч аралалтме орудий), В.К.Тимофеевын «Стирка» сўретшым ужаш лиеш.

Ончышо-влак ожнысо самангыч тачысе кече марте илыш кузе вашталт толмым шижышт манын, витрине-влакым келыштареныт.

Коча-кова-влакын сенымашым лишемдаш полшымышт – курымашлык шарнымаш. Тидын нерген самырык-влак нигунам мондышаш огытыл. Тоштерыште ятыр паша ышталтеш. Йоча-влак дене шанче пашам ямдылен, тўрлў конкурсышко ушненыт, лўддымылык урокым, класс шагатым эртареныт. Тений паша йўн изиш вашталтын. Сандене Сенымашын 75 ияш лўмгечыжлан пўлеклалтше да шуко моло мероприятийым Интернет йўным кучылтын эртареныт. «Письма в треугольниках солдатских» ончерым ыштеныт, «Салют Победы» сўрет конкурсыш ушненыт, тўрлў викториныште икшыве-влак уш-акылыштым тергеныт.

Е.ИВАНОВА ямдылен.

Медведево район Руэм кыдалаш школын тунемшыже Амира Каирова Кугу Ачамланде сар годым тылыште тыршыше-влаклан памятникым шонен луктын. Пашаж дене Юл кундем федерал округышто эртаралтше «Открытки Победы» проект тыштен.



Е.ИВАНОВА фотожо.

Факт
Марий Элыште ныл школ Совет Ушем Герой-влакын лўмыштым нумалеш: 1-ше номеран Мернур кыдалаш школ – А.М.Яналов лўмеш; Семёновко селасе кыдалаш школ – В.С.Архипов лўмеш; Юрино районысо Торношумецкий тўн школ – К.Я.Кутрухин лўмеш; Марий Түрек районысо Сысоево кыдалаш школ – С.Р.Суворов лўмеш.

Сенымашлан – 75 ий

«Ямде лий» 2020 ий 18 июль





2020 ий – Шарнымаш да чап идалык.



Сенгымаш пайрем

Сенгымаш пайремлан 65 ий теме, 65 ий кече ласканрак онча. Ешаралте угыч чапше шочмо элын, А тулан жап угычын конча.

Ветеран ужеш, кузе июнь эрдене Янлык семын эл ўмбақ тушман толеш. Кажне ола кўдынь, кажне ял воктене Патыр калыкемже онгын шогалеш.

Юлын вўдшў варныш калыкын вўр дене, Сталинград воктене шочо сенгымаш. Ешаралте тудо шошо май эрдене – Тольо тулан жаплан вучымо мучаш.

Тиде сенгымаш – эрык илыш гае. Иле, Онар калык! Иле, шочмо эл! Но тетла огеш тол тек чума тыгае, Тулыкеш огеш код ўдырамаш-шўмбел.

Ветеран ок мондо кўдыратле жапым, Ветеран чыла, чыла уэш шарна. Тулан пагыт кодыш кўрышт рвезе капым, Кўрыштын ыш сене шўмжымак гына...


Э.АНИСИМОВ.

Историйым шергалына

Руш-турко сар годым (1768-1774 ийла) 1770 ий 18 июлышто Пётр Александрович Румянцевын вуйлатыме руш армий Ларга экер воктене турко войскам сеҗен. Тиде сенгымашлан Я.А.Румянцева Инуя Георгийын I степенян орденже дене палемдалтын.

Плен гыч «пёртылтат»

Марий кугыжаныш университет пеленысе «Воскресение» кычалше отрядын «Вернуться из плена» проектше Президент грант-влакын фондшын эртарыме конкурсышто сенгышыш лектын. Проект нерген отрядын командирже **Д.Я.ШИПУНОВ (снимкыште)** каласкала:



– Марий кундем гыч Кугу Ачамланде сарыш кайыше салтак-влак кокла гыч пелыже увер деч посна йомын. Сар жапыште пленыш логалше-влакын немыч да финн учёт документштым шымлаш да копияштым родо-тукмыштлан пуаш шонена.

Шарнымаш книга м савыктен лукташ, «Вернуться из плена» сайтм почаш да уверна-влакым тушто верандаш шонымаш уло. Мемнам моткоч кугу паша вуча. Немыч да финн пленлаште кольшо-влак нерген уверым муаш манын, «Память народа», «Подвиг народа», «ОБД Мемориал» сайтлам, военный комиссариатысе да верысе архивысе документлам шергалаш кўлеш. Герой-влак тукум, XX курымышто илыше-влак мемнан дене чеверласат. Ий гыч ийыш шарнымаш йодыш пўсемеш. Марий Эл Республикын Шарнымаш книгажым ончалаш гын, 40 тўжем угла салтак увер деч посна йомшылан шотлалтеш. Йомшо-влак – мемнан историйнан кочо лаштыкше. Салтак-влакын авашт ден пелашышт нуным вучен шуктен огытыл. Тыгай ўшан нунын йочашт ден уныкашт-влакын уло. Проектм Марий Эл Республикын 14 районыштыжо да 3 олаштыже шынгарена.

Х.АЛЕКСАНДРОВА мутланен.

Десантник кочам


Мыйын кугезе кочам Геннадий Павлович Саканов 1927 ийыште шочын. Кугу Ачамланде сарыш 1943 ийыште каен. Кочамым да тудын тагаш 16 ияш рвезе-влакым эн ончыч Псков олашке нангаеныт. Самырык салтак-влакым десантникым ямдылыме училищыште парашют дене тўршташ туныктеныт. Кочам виан, лўддымў лийын. Сар пытымеке, вигак мўнгў толын огыл. Война годым шалатыме оралтылам олмыкташ, олам нўлташ полшен. Шочмо суртышкыжо 1950 ийыште веле пўртылын.

Мария РАТМАНОВА.
Йошкар-Ола, 19-ше №-ан школ.



Фотом сьҗ архив гыч налме

Мастар кид



Касагым тодыштын, самолётым ыштыва.

Сенгымашлан – 75 ий



«Ямде лий» 2020 ий 18 июль

Лүм: Владимир Никифорович Дубинин.

Шочын: 1927 ий 29 август, Крым АССР, Керчь ола.



Подвиг: изи да вичкыж капкылан В.Дубинин катакомбышко партизан-влакклан кочкышым, боеприпасым нумалын, немыч-влак кушто улмо нерген увертарен. Тудын полшымо дене партизан-влак шуко фашистым пытареныт. 1941 ийыште тушман-влак катакомбым вўд дене темаш пунчалым луктыныт. Тидын нерген уверым партизан-влакклан Володя икмыняр шагат ончыч намиен шуктен да отрядым утарен.

1942 ий 4 январьыште ўмыржō кўрылтын.

Чап: Киев, Керчь, Одесса, Озан, Йошкар-Ола, Махачкала, Белогорск, Крым да шуко моло олесе урем-влак геройын лўмжым нумалыт.

Дубинино ола В.Дубинин лўмеш пуалтын. Симферополь, Керчь олаштыште Володя Дубининлан памятникым шогалтыме.

Йошкар Тисте орден дене палемдалтын.

#пионер ГЕРОЙ

2020 ий – Шарнымаш да чап идалык.



Кугешнышаш улына



Фотом школын архивше гыч налме.

Совет Ушем Герой А.М.Яналлов лўмеш 1-ше номеран Шернур школышто Сенгымашын 75 ияш лўмгечыжым пайремлыме вашеш Боевой чап лукым почмо. Проектым директорын воспитаний паша шотышто алмаштышыже И.Г.Воронова да кугурак класслаште тунемше-влакын советышт вуйлатат. Боевой чап лук Кугу Ачамланде сарын событийжылан, герой ден ветеран-влакклан пōлеклалтын. Кугу верым Геройын Шўдыржылан ойырымо. Тудо шарнымашым ончыкта. Тыныс илышым кондаш полшышо-влак дене ме кугешнышаш улына.

Э.Н.ИВАНОВА, туныктышо.



Роман ИШМАНОВЫН сўретше. Татарстан, Агрыз, Буймо.



1240 ий

23 июльыш-

Историйым шергалына

то Чевазнер воктене кредаллаште князь Александр Ярославичын вуйлатыме руш войска швед-влакым кырен шалатен. Войскал моштен вуйлатымыжлан да лўддымылыкым ончыктымыжлан Александр Ярославичлан «Невский» лїмнерым пуэныт.

Мыйын кугезе кочам – Александр Сергеевич Сергеев (снимкыште). Тудо 1942 ийыште Совет Арми райадыш С.Орджоникидзе лўмеш пехотный военный училищыш призыватлалтын. Училищым тунем пытарыде, Сталинград фронтыш колтеныт. Июльышто нелын сусырген да Харьковсо эвакогоспитальыште эмлалтын. Октябрьыште Киев олесе Военный медицине училищышке колтеныт. 1943 ий апрельыште Йўдвел-Касвел фронтыш, миномётный полкыш, логалын.



Кугезе кочам санитарный инструктор лийын. 1942-1945 ийлаште Карел, 2-шо Белорус да Йўдвел-Касвел фронтлаште кредалын. Александр Сергеевич III степенян Чап орден, «За отвагу», «За Победу над Германией» медаль-влак дене палемдалтын.

1947 ий февраль гыч 1948 ий март марте гвардий полкын Таврический военный округыштыжо санитарный инструкторлан служитлен. Тудым демобилизоватленыт. Вара кочам 1963 ий марте Морко районысо Киров лўмеш колхозышто ветеринар фельдшерлан пашам ыштен.

Наталья СЕРГЕЕВА.

Морко, Шордўр.

Сенгымашлан – 75 ий

«Ямде лий» 2020 ий 18 июль





2020 ий – Шарнымаш да чап идалык.

Кроссворд Талешке-влак


Шола гыч пурлашке:

2. Марий талешке. 4. Морко район гыч Совет Ушем Герой.
5. Морко районсо Күчыкәнер ялеш шочын. 9. Марий калыкын ик эн йоратыме талешкыже. 12. Марий патыр.
13. Марий талешке. 14. Марий-влак кокла гыч икымше Совет Ушем Герой.



Күшыч үлыкө:

1. МАССР гыч Совет Ушем Герой лұмым икымше налын. 3. Марий калыкклан полшен.
6. Александр Матросов семын тушман амбразурым петырен. 7. Шочмо мландым тушман деч арален шогышо талешке.
8. Танкист. Совет Ушем Герой. 10. XVI курымышто илыше талешке. Күслем пеш сайын шоктен. 11. Морко район гыч Совет Ушем Герой.

В.СМИРНОВ ямдылен.



Шоналтыза, нине сїрет-влакым мо уша?



Задаче

Т-34 танк Курск ола гыч Прохоровка посёлко марте ик шагатыште 50 километрым кудалын. Кредалме вер марте 2 шагатат пеле каен. Ик шагатыште 31,25 километрым кудалше ИС-76 танк (тудлан пел корно гыч мөнгеш Курскыш толман да уэш кудалаш күлеш гын) Прохоровка марте мыняр жапыште миен шуэш? Танкын скоростышо кудалме мучко икгай лийын манын шотлыман.



Факт

Кугу Ачамланде сар годым изижат, кугужат Шочмо элым аралаш шога-лын. «Чыла фронтлан, чыла сенымашлан!» лозунг Марий филармонийын артистше-влакынат илыш да паша ўжмашкышт савырнен. Куштышо да мурышо марий ансамбльын пөръенже-влак шукуынжо фронтыш каеныт. Кодшо артист-влак 1941 ийыште кок бригадым чумыреныт: уста музыкант П.С.Тойдемарын вуйлатыме ик бригадыже фронтышто салтак-влаклан концертым ончыктен, весыже, И.И.Искандаровын вуйлатыме бригадыже республикыште пашам ыштен. Кум ий жапыште госпиталь ден воинский частьлаште 1165 концертым пуэныт. Фронтлашке йолын, имне, ўшкыж дене коштыныт.



Фотом еш архив гыч налме.

Йошкар-Оласе 27-ше номеран «Светлячок» йочасадын «Сверчок» групшыкыжо коштышо Настя СОЛОВЬЁВА (снимкыште) Сенымаш кече вашеш тыгай аппликацийым ыштен. Воспитатель М.И.Филиппова йоча-влакым түрлө кидпашалан туныкта. Тыге икшыве-влакын парняштым, кидыштым лывырта, сылнылыкым умылаш кумыланда. Йоча-влак, теат ыштен ончыза.

Сенымашлан – 75 ий



«Ямде лий» 2020 ий 18 июль

Печать да массовый коммуникаций шотышто федерал агентствын окса польшыж дене лукмо.

17 июль – Пөлекым
пуымо кече.

Шке ямдылем

Мый пөлекым налаш веле огыл, пуашат йоратем. Кызыт пөлекым кевытыште налаш тыршат, а мый йолташемлан да родо-тукы-мемлан коклан шке ямдылем. Изирак годым шочмо кечылан да моло пайремлан сүретым сүретленна, поделкым ыштенна. Шүжарем деч кажне гана тыгай пөлекым налам.


Олеся **ВОЙКИНА**.

Шернур, Эшполдино.

Марий калык 12 июньшто Кишке пайремым пайремла. Калык ой почеш, тиде кечын кишке-влак кугу сұаным ыштат да чыланат тушко вашкат. Сандене кишке-влакым пушташ ок лий. Пуштат гын, родо-шочшыжо-влак үчым шуктат да чўнгалыт. А тиде кечын нунын аярышт деч нимогай эмлызе эмлен ок керт.

16 июль – Кишкын
тўнямбал кечыже.

Палаш онгай



Тувырым
нигунам огеш
чий, кажне ийын
кудашеш.
Тшүшто.

Сүретым чиялте.

Эн кугу кишке-влак – сетчатый питон ден анаконд. Нунын кужы-тышт 7 метр утла лийын кертеш.

Гиннесын рекорд книгаже почеш, эн писе кишке – шем мамба. Тудо ик шага-тыште 16 километрым нушкын каен кертеш.

Кишке-влак ўмырышт мучко кушкыт.

Кенеж ўр

Ўр шыжа, мардеж лўшка,
Асфальт корно лавырга.
Лакрылашке вўд темеш.
Кече шылын пыл лонгаш –
Коеш тудо пеш ойган.
Мый шинчем ончен окнаш.

Надя **ВОЛКОВА**.

Шернур, Лажъял.

Коваштлан полшат

Кенеж каныш толын шуо. Йоча-влак ковашт дек унала толыч. Ик эрдене нуно, кудывечыш лектын, пашалан пижыч. Дима пум шельштеш, Женя ден Петя пугомыла-влакым артанаш оптат. Ковашт нуным куанен онча да ойла: «Тыгай пашаче уныкам-шамыч кушкыт».

Илья **АНДРЕЕВ**.

Кужэгер, Тошто Ёўледўр.

«Ямде лий» 2020 ий 18 июль



Индекс: П4696.
Тираж 900 экз. Заказ
Формат – А-4-8.
Тўн редактор олмеш
Л.Н.ГРИГОРЬЕВА.
https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше:
yamdelii.rf

УЧРЕДИТЕЛЬ-ВЛАК: Марий Эл Республикысе культур, печать да калык-влакын пашашт шотышто министерстве, «Ямде лий» газет» кугыжаныш унитарный казна предприятий.

Газетым редакцийште погымо да версталыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Массовый коммуникаций сферыште да культур наследиым аралымаште законодательствым шуктен шогымм эскерыше Федеральный службын Приволжский федеральный округысо управленийшытыже регистрироватылме.

Номер – ПИ №ФС 18-1999,
2005 ий 10 февральште пуымо.

0+

Печатыш пуымо жап –
14-00,
фактически – 13-00

Авторын да редакцийн шонымашышт тўрлў лийын кертят. Серыш-влак мўнгеш огыт колталт.
Ак – кутырен келшыше почеш.

Редакцийн да издательыне адресше:
424006, Йошкар-Ола, СССР Вооружённый Вийын 70-ше идалькше урем, 20-шо пўрт.
Тел. 8(8362) 45-22-82(факс)



Эва АЛЕКСАНДРОВА.
Йошкар-Ола.



Пүртүс
лонгаште

Элеонора ден Богдан
ПЕТРОВМЫТ.
Параньга, Ондросола.



Настя ДАНИЛОВА.
Звенигово, Красногорский
посёлко.


Конкурс

Алтака-
влаклар икте-вестит
дек корным муаш
полытза.



Тушто-влак:

Могай корка
гыч ййаш ок лий?




Шкеже чылт
сорла, но тйредаш
огеш лий.



- 1
- 2
- 3
- 4
- 5
- 6
- 7

Сүрешым чиялтыза.



Акамьн лүмжым палыза.

- 1.А; Б; В; Е; Ё; Ж; И; М; Н; О; С; Т.
- 2.А; В; Е; Ж; И; М; Р; У.
- 3.А; В; Е; Ж; И; Й; К; М; Р; У.
- 4.А; В; Е; Ж; И; К; М; Р; С; Т; У.
- 5.А; Б; В; Д; Е; Ж; И; Й; К; М; Р; У.

	А	Б	В	Г	Д	Е	Ё	Ж	З	И	Й	К	Л	М	Н	О	П	Р	С	Т	У
1																					
2																					
3																					
4																					
5																					

Максим СТЕПАНОВ.

Морко, Шап Унчо.



Изи Колю ачажым сүрет-
лен. Ачаже:

– Пеш кертат, эргым. А
йнемжым молан нарынче

тйс дене чиялтенат?

– Чаравуйлан келшыше чия уке.



«Ямде лий» 2020 ий 18 июль



Ойыртем-влакым муза.



Интернетесе сүрет-влакым кучылтмо.